

Broj: 01/06- 3430/1-2022  
Sarajevo, 09. 12. 2022. godine

Na osnovu člana 69. Zakona o visokom obrazovanju („Službene novine Kantona Sarajevo“, broj: 36/22), a u vezi sa članom 106. Zakona o visokom obrazovanju („Službene novine Kantona Sarajevo“, broj: 36/22), člana 104. Statuta Univerziteta u Sarajevu i člana 21. Pravila studiranja za treći ciklus na Univerzitetu u Sarajevu – Doktorski studij iz decembra 2018. godine, odluka Vijeća Dokorskog studija Univerziteta u Sarajevu - Prirodno-matematičkog fakulteta od 04.03.2022. godine i 07.07.2022. godine, Vijeće Univerziteta u Sarajevu - Prirodno-matematičkog fakulteta na elektronskoj sjednici održanoj 09.12.2022. godine, donijelo je sljedeću

## ODLUKU I

Predlaže se raspisivanje **Konkursa za upis kandidata na III ciklus studija - doktorski studij U DRUGOM UPISNOM ROKU** na Univerzitetu u Sarajevu - Prirodno-matematičkom fakultetu u akademskoj 2022/2023. godini za:

- Doktorski studij bioloških nauka,
- Doktorski studij fizičkih nauka,
- Doktorski studij geografskih nauka,
- Doktorski studij hemijskih nauka,
- Doktorski studij matematičkih nauka u Jugoistočnoj Evropi i
- Doktorski studij prirodnih i matematičkih nauka u obrazovanju.

## II

Tekst Konkursa je sastavni dio ove Odluke.

## III

Ova Odluka stupa na snagu danom donošenja, a primjenjuje se po dobijanju saglasnosti Senata Univerziteta u Sarajevu.

### Obrazloženje:

S obzirom da je procedura upisa kandidata na III ciklus - doktorski studija na Univerzitetu u Sarajevu - Prirodno-matematičkom fakultetu u akademskoj 2022/2023. godini po Konkursu za upis kandidata na III ciklus studija – doktorski studij na Univerzitetu u Sarajevu – Prirodno-matematičkom fakultetu u akademskoj 2022/2023. godini objavljenom dana 09.09.2022. godine u dnevnom listu Dnevni avaz i web stranici Univerziteta u Sarajevu - Prirodno-matematičkog fakulteta okončana, odnosno da su usvojene konačne rang liste kandidata koji su ostvarili pravo upisa na III ciklus - doktorski studij na Univerzitetu u Sarajevu - Prirodno-matematičkom fakultetu, a cijeneći činjenicu da upisne kvote nisu popunjene, odlučeno je kao u dispozitivu.

*Drkenda Edina*  
Akt obradila: Edina Drkenda, BA poslovanja

*Jasmina Hasanbegović*  
Akt kontrolisala: Jasmina Hasanbegović, dipl.iur.

*Elyedin Hasović*  
Akt odobrio: Prof. dr. Elyedin Hasović

### Dostaviti:

- Senatu UNSA
- Prodekanu za nastavu i NiR
- Dosije Dokorskog studija Fakulteta
- Dosije Vijeća
- Studentska služba
- a/a



DEKAN FAKULTETA

Prof. dr. Nusret Drešković

## **UNIVERZITET U SARAJEVU - PRIRODNO-MATEMATIČKI FAKULTET**

Na osnovu člana 106. Zakona o visokom obrazovanju („Službene novine Kantona Sarajevo“, broj: 36/22), člana 21. Pravila studiranja za treći ciklus na Univerzitetu u Sarajevu – Doktorski studij iz decembra 2018. godine, prethodne saglasnosti Ministarstva za nauku, visoko obrazovanje i mlade Kantona Sarajevo broj: 27/03-34-29148-2/22 od 29.07.2022. godine, odluka Vijeća Dokorskog studija Univerziteta u Sarajevu - Prirodno-matematičkog fakulteta od 04.03.2022. godine i 07.07.2022. godine, Odluke Vijeća Univerziteta u Sarajevu - Prirodno-matematičkog fakulteta donešene na elektronskoj sjednici održanoj 09.12.2022. godine, Odluke Senata Univerziteta u Sarajevu o davanju saglasnosti za raspisivanje Konkursa u drugom upisnom roku broj: \_\_\_\_\_ od \_\_\_\_\_ godine, Univerzitet u Sarajevu - Prirodno-matematički fakultet, objavljuje

### **K O N K U R S**

**za upis kandidata na III ciklus studija - doktorski studij U DRUGOM UPISNOM ROKU na Univerzitetu u Sarajevu - Prirodno-matematičkom fakultetu u akademskoj 2022/2023. godini za:**

- Doktorski studij bioloških nauka,
- Doktorski studij fizičkih nauka,
- Doktorski studij geografskih nauka,
- Doktorski studij hemijskih nauka,
- Doktorski studij matematičkih nauka u Jugoistočnoj Evropi i
- Doktorski studij prirodnih i matematičkih nauka u obrazovanju.

#### **I**

**Konkurs se raspisuje za upis:**

**18 kandidata na III ciklus studija- doktorski studij bioloških nauka i to:**

- smjer Biohemija i fiziologija - 5 kandidata,
- smjer Ekologija - 3 kandidata,
- smjer Genetika - 5 kandidata,
- smjer Mikrobiologija -5 kandidata.

**2 kandidata za III ciklus studija – doktorski studij fizičkih nauka i to:**

- smjer Teorijska fizika – 2 kandidata

**4 kandidata na III ciklus studija - doktorski studij geografskih nauka i to:**

- smjer Turizam i zaštita životne sredine - 1 kandidata
- smjer Regionalno i prostorno planiranje – 3 kandidata

**2 kandidata na III ciklus studija - doktorski studij hemijskih nauka**

**5 kandidata na III ciklus studija - doktorski studij matematičkih nauka u Jugoistočnoj Evropi**

**8 kandidata na III ciklus – doktorski studij prirodnih i matematičkih nauka u obrazovanju, i to studijski programi:**

- Biologija u obrazovanju - 1 kandidata,
- Fizika u obrazovanju - 1 kandidata,
- Geografija u obrazovanju - 2 kandidata,
- Hemija u obrazovanju – 2 kandidata,
- Matematika u obrazovanju - 2 kandidata.

## II

### Pravo prijave na Konkurs imaju:

Na konkurs se mogu prijaviti kandidati koji su stekli diplomu drugog ciklusa studija, integriranog studija, akademskog specijaliste i magistra nauka prema predbolonjskom sistemu studiranja iz odgovarajuće naučne oblasti.

Kandidatima koji su stekli titulu magistra nauka prije uvođenja bolonjskog sistema trocikličnog studiranja ili titulu akademskog specijaliste priznaje se 60 studijskih bodova, na način koji pobliže utvrđuje Vijeće doktorskog studija Fakulteta, a preostali obim od 120 studijskih bodova ovi kandidati stječu u skladu sa Pravilima studiranja za treći ciklus na Univerzitetu u Sarajevu – Doktorski studij iz decembra 2018. godine. Ovi kandidati plaćaju dvije trećine ukupne cijene studija.

Kriteriji za upis sadržani su u Elaboratima pojedinih studijskih programa, koji se nalaze na web stranici Prirodno-matematičkog fakulteta Univerziteta u Sarajevu [www.pmf.unsa.ba](http://www.pmf.unsa.ba)

## III

Uz prijavu na Konkurs kandidati su obavezni dostaviti:

- biografiju,
- diplome o završenom prethodnom univerzitetskom obrazovanju (original ili ovjerena kopija),
- plan i program završenog dodiplomskog studija i magistarskog/master studija (ukoliko studij nije završen na Prirodno-matematičkom fakultetu Univerziteta u Sarajevu),
- uvjerenje o položenim ispitima tokom prethodnog studija,
- izjavu o preuzimanju obaveze plaćanja školarine za upis na doktorski studij u visini utvrđenoj Odlukom Upravnog odbora Univerziteta u Sarajevu na prijedlog Vijeća Prirodno-matematičkog fakulteta,
- dokaz o poznavanju engleskog jezika.

Kandidat koji je stekao diplomu u inostranstvu prilaže dokaz o nostrifikaciji/priznavanju iste ili potvrdu da je postupak nostrifikacije/priznavanja diplome u toku.

## IV

Nastava na III ciklusu - doktorskom studiju matematičkih nauka u Jugoistočnoj Evropi izvodi se na bosanskom i engleskom jeziku.

## V

U slučaju da je broj prijavljenih kandidata koji zadovoljavaju uvjete Konkursa veći od broja predviđenih u Konkursu, izbor kandidata, koji su stekli pravo na upis, vršit će se na osnovu rezultata na II ciklusu studija, odnosno na postdiplomskom studiju.

## VI

Cijena doktorskog studija iznosi 7.000,00 KM po godini za sve smjerove, osim za Doktorski studij iz prirodnih i matematičkih nauka u obrazovanju, za koji cijena studija iznosi 5.000,00 KM po godini.

## VII

Konkurs ostaje otvoren 15 dana od dana objavljivanja. Prijave dostaviti na adresu: Prirodno-matematički fakultet Univerziteta u Sarajevu, Zmaja od Bosne 33-35, 71000 Sarajevo - u zatvorenoj koverti sa naznakom "Prijava za upis na doktorski studij \_\_\_\_\_ u akademskoj 2022/2023. godini na Odsjeku za \_\_\_\_\_".



Broj: 01/06-3364/4-2022

Datum: 09.12.2022. godine

Na osnovu člana 69. Zakona o visokom obrazovanju Kantona Sarajevo („Službene novine Kantona Sarajevo“, broj: 36/22) i člana 104. Statuta Univerziteta u Sarajevu, a u skladu sa članom 120. Zakona o visokom obrazovanju („Službene novine Kantona Sarajevo“, br: 36/22), članom 214. Statuta Univerziteta u Sarajevu i članom 3. Pravilnika o dodjeli počasnog zvanja profesor emeritus Univerziteta u Sarajevu, te na prijedlog Univerziteta u Sarajevu - Ekonomskog fakulteta, broj: 02-6308/22 od 05.12.2022. godine, Vijeće Univerziteta u Sarajevu - Prirodno-matematičkog fakulteta na 48. elektronskoj sjednici održanoj 10.11.2022. godine, donijelo je sljedeću

## ODLUKU

### I

Daje se podrška za dodjelu počasnog zvanja **PROFESOR EMERITUS UNIVERZITETA U SARAJEVU dr. Željku Šainu**, penzionisanom redovnom profesoru Univerziteta u Sarajevu - Ekonomskog fakulteta u svrhu nastavka procedure za dodjelu počasnog zvanja imenovanom.

### II

Odluka stupa na snagu danom donošenja.

### Obrazloženje

Dana 05.12.2022. godine zaprimljen je zahtjev Univerziteta u Sarajevu - Ekonomskog fakulteta, broj: 02-6308/22 sa neophodnim elementima propisanim odredbom člana 3. Pravilnika o dodjeli počasnog zvanja profesor emeritus Univerziteta u Sarajevu za podršku njihovom prijedlogu da se penzionisanom redovnom profesoru dr. Željki Šainu dodijeli počasno zvanje profesor emeritus Univerziteta u Sarajevu.

Na 50. elektronskoj sjednici održanoj dana 09.12.2022. godine Vijeće Fakulteta, u okviru svojih nadležnosti utvrđenih Zakonom i Statutom, jednoglasno je odlučilo da podrži navedeni prijedlog.

U skladu sa gore navedenim, odlučeno je kao u dispozitivu.

Akt obradila: Jasmina Mujkić, dipl.iur.

Akt kontrolisala: Jasmina Hasanbegović, dipl.iur.

Akt odobrio: Prof.dr. Elvedin Hasović



### Dostaviti:

- UNSA- Ekonomski fakultet
- Dosije Vijeća
- Arhiva